

## Søknad om dispensasjon på gnr. 20 bnr. 49

**Masfjorden Kommune  
Kommunehuset  
5981 Masfjordnes**

**Gnr:** 20      **Bnr:** 49      **Stad:** Masfjordvegen 91, 5986 Hosteland.

**Tiltakshavar:** Entreprenør Ansgar Birkeland AS.

**Adresse:** Masfjordvegen 105

**Postnr:** 5986      **Poststad:** Hosteland

**Saka gjeld:**

Utviding (planering) av areal til lager/ oppstillingsplass.

**Det vert søkt dispensasjon frå:**

LNF-føremålet i arealdelen til kommuneplanen.

**Formål med tiltaket:**

Utviding (planering) av areal til lager/ oppstillingsplass.

**Grunngjeving:**

Areal som er søkt om planert, er nyleg frådelt frå hovedbruk gbnr. 20/1 i forbindelse med utviding av eksisterande næringseigedom i dispensasjonssøknad sak 048/2021. Eigedom med gbnr. 20/49 er aktiv som hovedbase for Entreprenør Ansgar Birkeland AS.

Grunngjevinga for å få dispensasjon etter § 19-2 i plan- og bygningslova er at det ligg føre ei overvekt av fordeler i høve til ulemper knytt til tiltaket. Vidare meiner ein at omsyna bak LNF-føremålet ikkje vert sett vesentleg til side som følgje av tiltaket slik det er søkt dispensasjon for, og at grunnlaget er til stades i høve plan- og bygningslova sitt krav. Dette er og grundig belyst i dispensasjonssak 048/2021.

**Fordelane er som følgjer:**

- Omsøkt areal har i lang tid vore planlagt til å inngå som planert tilleggsareal til den eksisterande lager/oppstillingsplassen og er godkjent frådelt frå hovedbruk gnr. 20/1 i dispensasjonssak 048/2021, med intensjon å bli nytta som tilleggsareal til næringseigedom gnr. 20/49.
- Arealet er svært viktig for bedrifta med tanke på vidare behov for ekspansjon og utvikling og behovet for nytt areal til oppstilling og lagringsplass er betydeleg.
- Omsøkt areal består i dag av særskilt kupert terrenget, samt noko myrområde, og har marginal verdi for anna areal enn lagerplass/oppstillingsplass. Søkjar kan difor ikkje sjå at omsøkt tiltak vil endre tilhøva for allmenta si tilgjenge til natur og friluftsliv.
- Kommuneplanen til Masfjorden kommune peikar på næringsutvikling som satsingsområde, og peikar på næring som viktig med tanke på vekst og utvikling av lokalsamfunnet.
- Det er ikkje registrert spesielle miljø, natur eller kulturminneverdiar knytt til det omsøkte arealet.
- Omsøkt areal ligg i god avstand frå andre bustadeigedomar.

**Ulempen er som følgjer:**

- Søknaden er i strid med overordna kommuneplan.

Med tanke på arealbehovet for den veletablerte entreprenørbedrifta, og kor viktig næringsutvikling er for Masfjorden kommune, og å trygge og sikre framtidige nye arbeidsplassar er det difor ei overvekt av fordeler i høve til ulempen knytt til søknaden.

Tilleggsarealet vil kunne styrka busetnaden i denne delen av kommunen, ved at ein solid bedrift får utvikle arealet på eigedom i tråd med intensjonane i dispensasjon sak 048/2021 til vidare utvikling.

**Konklusjon:**

Ein meiner at omsyna bak LNF-føremålet ikkje vert sett vesentleg til side som følgje av tiltaket slik det er søkt dispensasjon for. Vilkåra for å gje dispensasjon frå arealdelen til kommunen er difor oppfylt.

Til slutt viser ein til at etter § 19-2 i pbl, så kan kommunen gje varig eller mellombels dispensasjon frå reglar fastsett i eller i medhald av denne lov, og at det og kan setjast vilkår for dispensasjonen. I dette tilfellet meiner søker at det er rett å gje dispensasjon utan vilkår på bakgrunn av argumenta vist ovenfor.

**Vedlegg:**

Vedlegg #1 Område som er søkt planert.

**Stad:** Reknes

**Dato:** 30.04.2022

**Underskrift tiltakshavar:**

  
Bjørnar Birkeland  
Entrepreneur  
**Ansgar Birkeland AS**  
Tlf: 56 36 71 48 - post@ansgarbirkeland.no  
www.ansgarbirkeland.no

